



F U N D A R G E R ð

**Stjórnarfundur í Sorpurðun Vesturlands hf. haldinn
miðvikudaginn 14. júní 2017 kl. 16:00. á skrifstofu SSV í
Borgarnesi.**

Mættir voru: Arnheiður Hjörleifsdóttir, Ásta Kristín Guðmundsdóttir, Finnbogi Leifsson, Karitas Jónsdóttir, Kristinn Jónasson, Sturla Böðvarsson og Sævar Jónsson. Einnig sat fundinn Hrefna B. Jónsdóttir, framkvæmdastjóri.

1. Kosning stjórnarformanns og varamann formanns.

Finnbogi Leifsson, setti fund. Hann gerði tillögu um Kristinn Jónasson sem formann og var það samþykkt samhljóða. Kristinn tók við fundarstjórn. Þakkaði stuðninginn og gerði tillögu um Arnheiði Hjörleifsdóttur sem varaformann. Samþykkt samhljóða.

2. Fundargerð síðasta fundar.

Lögð fram fundargerð frá 8. mars sl. Samþykkt.

3. Rekstur urðunarsvæðis

a. Magntölur

Á fyrstu fimm mánuðum ársins hafa verið urðuð 5.151 tonn sem er 7,4% aukning miðað við sama tímabilið árið 2016. Milli árána 2015 og 2016 var 12% aukning.

b. Net

Framkvæmdastjóri upplýsti stjórn um netamálið. Engin viðbrögð hafa komið frá SFS en auk framkvæmdastjóra hefur Lúðvík Gústafsson hjá Sambandi íslenskra sveitarfélaga rætt þessi mál á vettvangi stjórnar Úrvinnslusjóðs. Framkvæmdastjóra falið að taka málið upp að nýju á þeim vettvangi og óska eftir því hjá SFS að fá yfirlit yfir staðsetningu veiðarfæragáma á Vesturlandi og Vestfjörðum.

c. Flís.

Rætt um móttöku á kurluðu timbri til Fíflholta.

4. Staða hreinsivirkis

a. Hreinsivirki við rein nr. 4.

Það liggur fyrir að taka þarf upp hreinsivirki við urðunarrein nr. fjögur. Lögð fram gögn frá EFLU sem eru frumdrög að því að taka verkið upp, skoða hvað hefur farið úrskeiðis og gera tillögu að endurbótum. Framkvæmdastjóra falið að vinna að útbótum með ráðgjöfum og verktaka.

b. Tilboð í lokahönnun á safnkerfi.

Lögð fram gögn frá fyrirtækinu ReSource en um er að ræða myndir sem teknar hafa verið af urðunarsvæðinu er sýna m.a. nákvæma landhæð og tilboð í hönnun gassöfnunarkerfis, kostnaðargreiningu og áætlun um vöktun og mælingar.

Samþykkt að taka tilboði ReSource. 50 klst. Á 625.000 án/vsk.

c. Heimsókn frá DTU.

Framkvæmdastjóri sagði frá verkefni sem ber yfirskriftina: "Dynamic Plums measurements Iceland sommer 2017" Samband íslenskra Sveitarfélaga og Efla verkfræðistofa sóttu um styrk til Auðlinda- og umhverfisráðuneytisins til að fá hingað til lands sérfræðinga frá „Technical University of Denmark“ til að mæla uppstreymi metans á urðunarstöðum, með sérstökum búnaði sem hannaður hefur verið við tækniháskólann. Framkvæmdastjóri greindi frá stöðu verkefnisins. Sorpurðun Vesturlands hf. hefur tekið á leigu húsnæði í Borgarnesi í sumar en þar munu Danirnir halda heimili. Þeir staðir sem er mælt á eru á Suðurlandi, Álfsnesi, Vesturlandi og Norðurlandi.

5. Umhverfisstofnun

a. Reglubundið eftirlit frá 6. júní 2017.

Framkvæmdastjóri greindi frá heimsókn frá UST.

6. Umhverfisdagur – málþing 10. maí 2017

Rætt um málþing á Hótel Hamri og voru stjórnarmenn almennt ánægðir með mætingu og efnistösk.

7. Samráðsvettvangur SV-hornsins og sameiginleg svæðisáætlun.

Samráðsvettvangur 11.05.2017. Fundargerð lögð fram.

Á fundinum var rætt um gerð svæðisáætlunar fyrir landshlutann og mikilvægi þess að vinna þá vinnu með Sorpu bs, Sorpstöð Suðurlands og Kólku á Reykjanesi.

Meðfylgjandi bókun lögð fram:

Samráðsnefnd sorpsamlaganna á SV-landi leggur til við stjórnir sínar að farið verði í vinnu við endurskoðun svæðisáætlunar um meðhöndlun úrgangs í samræmi við lög um meðhöndlun úrgangs nr. 55/2003. Verklag verði í samræmi við fram komna tillögu. Kostnaði verði skipt samkvæmt íbúafjölda landshlutanna sem standa að svæðisáætluninni, eins og venja hefur verið. Haft verði gott samráð við sveitarstjórnir viðkomandi svæða meðan að vinnuferli stendur yfir.

Samþykkt.

Umrædd bókun hefur verið lögð fram í öllum sorpsamlögunum á SV-horni landsins. Framkvæmdastjóra falið að senda sveitarfélögunum á Vesturlandi tilkynningu um fyrirhugað verkefni sem verður unnið með þeim svæðum sem talin hafa verið upp.

8. Önnur mál.

a. Úrskurðarnefnd um upplýsingamál - úrskurður.

Lagður fram úrskurður Úrskurðarnefndar um upplýsingamál. Um var að ræða kæru frá NAF. Kærurni var vísað frá.

b. Kynnisferð stjórnar sorpsamlaga.

Rætt um fyrirhugaða kynnisferð til Noregs og Svíþjóðar þann 25. – 28. júní n.k. en fulltrúar frá Suðurnesjum (Kölku, brennslustöð), Sorpstöð Suðurlands, SORPU bs. og Sorpurðun Vesturlands fara í ferðina. Samþykkt að Kristinn Jónasson, Karitas Jónsdóttir og Ásta Kristín Guðmundsdóttir, fari frá stjórn og framkvæmdastjóri, Hrefna B. Jónsdóttir.

c. Ráðstefna 24. maí, lífhagkerfið

Framkvæmdastjóri greindi frá ráðstefnunni.

d. Samráðsvettvangur um aðgerðaráætlun í loftlagsmálum.

Lagt fram erindi frá Sambandi íslenskra sveitarfélaga þar sem fram kemur að framkvæmdastjóri, Hrefna Bryndís Jónsdóttir, er tilnefnd í faghóp sem ber yfirskriftina: „samráðsvettvangur um aðgerðaráætlun í loftlagsmálum” auk Lúðvíks Gústafssonar. Nefndin hélt sinn fyrsta fund þann 1. júní sl. Lagt fram minnisblað um framtíðarviðfangsefni nefndarinnar.

Fleira ekki gert og fundi slitið kl. 17:45

Fundarritari: Hrefna B. Jónsdóttir